

## I. DISPOSICIÓN XERAIS

### MINISTERIO DE AGRICULTURA E PESCA, ALIMENTACIÓN E MEDIO AMBIENTE

- 4413** Orde APM/330/2018, do 26 de marzo, pola que se modifica o anexo IV do Real decreto 58/2005, do 21 de xaneiro, polo que se adoptan medidas de protección contra a introdución e difusión no territorio nacional e da Comunidade Europea de organismos nocivos para os vexetais ou produtos vexetais, así como para a exportación e tránsito cara a países terceiros.

O Real decreto 58/2005, do 21 de xaneiro, polo que se adoptan medidas de protección contra a introdución e difusión no territorio nacional e da Comunidade Europea de organismos nocivos para os vexetais ou produtos vexetais, así como para a exportación e tránsito cara a países terceiros, incorporou ao ordenamento xurídico interno a Directiva 2000/29/CE do Consello, do 8 de maio de 2000, relativa ás medidas de protección contra a introdución na Comunidade de organismos nocivos para os vexetais ou produtos vexetais e contra a súa propagación no interior da Comunidade.

O artigo 5, punto 1, da Directiva 2000/29/CE, lido en relación co anexo IV, parte A, sección II, punto 18.3, establece exixencias especiais relativas ao desprazamento de vexetais que forman estolóns ou tubérculos de especies de *Solanum* L. ou os seus híbridos, destinados á plantación, distintos dos tubérculos de *Solanum tuberosum* L. que se especifican no anexo IV, parte A, sección II, puntos 18.1, 18.1.1 ou 18.2, da devandita directiva e distintos do material de mantemento de cultivos almacenado en bancos xenéticos ou coleccións xenéticas.

Considerouse necesario establecer unhas exixencias máis específicas para o desprazamento de sementes de *Solanum tuberosum* L., comunmente denominadas tamén sementes de pataca propiamente ditas, orixinarias da Unión (a partir deste momento, «sementes especificadas»). Esas exixencias deben garantir a protección fitosanitaria do territorio da Unión fronte a organismos nocivos que as sementes especificadas poden hospedar.

Dado que *Synchytrium endobioticum* (Schilbersky) Percival, *Clavibacter michiganensis* ssp. *sepedonicus* (Spieckermann e Kotthoff) Davis *et al.*, *Ralstonia solanacearum* (Smith) Yabuuchi *et al.* e *Potato spindle tuber viroid* presentan o maior risco fitosanitario para as sementes especificadas, convén establecer que ou ben as sementes especificadas deben orixinarse en zonas de que se sabe que están exentas deses organismos ou ben as sementes especificadas e os seus lugares de produción deben estar sometidos a exixencias específicas.

Estas exixencias dispuxéronse na Directiva de execución (UE) 2017/1920 da Comisión, do 19 de outubro de 2017, pola que se modifica o anexo IV da Directiva 2000/29/CE do Consello no que respecta ao desprazamento de sementes de *Solanum tuberosum* L. orixinarias da Unión.

Esta orde incorpora ao ordenamento xurídico a mencionada Directiva 2017/1920 da Comisión, do 19 de outubro de 2017, e dítase ao abeiro da habilitación establecida na disposición derradeira segunda do citado real decreto, pola que se faculta o ministro de Agricultura, Pesca e Alimentación, actual ministra de Agricultura e Pesca, Alimentación e Medio Ambiente, para adaptar os anexos deste ás modificacións que sexan introducidas neles mediante disposicións comunitarias.

Na elaboración da presente disposición foron consultadas as comunidades autónomas e as entidades representativas dos sectores afectados.

Na súa virtude, de acordo co Consello de Estado, dispoño:

**Artigo único.** *Modificación do Real decreto 58/2005, do 21 de xaneiro, polo que se adoptan medidas de protección contra a introdución e difusión no territorio nacional e da Comunidade Europea de organismos nocivos para os vexetais ou produtos vexetais, así como para a exportación e tránsito cara a países terceiros.*

O anexo IV, parte A, sección II, do Real decreto 58/2005, do 21 de xaneiro, polo que se adoptan medidas de protección contra a introdución e difusión no territorio nacional e da Comunidade Europea de organismos nocivos para os vexetais ou produtos vexetais, así como para a exportación e tránsito cara a países terceiros, queda modificado como segue:

Un. O punto 18.3 substitúese polo texto seguinte:

<p>«18.3. Vexetais que forman estolóns ou tubérculos de especies de <i>Solanum</i> L. ou os seus híbridos, destinados á plantación, distintos dos tubérculos de <i>Solanum tuberosum</i> L. que se especifican nos puntos 18.1, 18.1.1 ou 18.2, do material de mantemento de cultivos almacenado en bancos xenéticos ou coleccións xenéticas e das sementes de <i>Solanum tuberosum</i> L. que se especifican no punto 18.3.1.</p>	<p>a) Os vexetais deberán manterse en condicións de corentena e resultar exentos de calquera organismo nocivo nas probas de corentena.</p> <p>b) As probas de corentena mencionadas na letra a) serán:</p> <p>aa) Supervisadas pola organización oficial de protección de vexetais do Estado membro de que se trate e realizadas por persoal cientificamente formado desa organización ou de calquera corporación oficialmente autorizada.</p> <p>bb) Realizadas nun lugar que dispoña de instalacións axeitadas en número suficiente para conter os organismos nocivos e manter o material, incluído os indicadores, de modo que se elimine calquera risco de propagación de organismos nocivos.</p> <p>cc) Realizadas en cada unidade de material:</p> <ul style="list-style-type: none"> <li>– Mediante exame visual a intervalos regulares durante todo un ciclo vexetativo, como mínimo, tendo en conta o tipo de material e a súa fase de desenvolvemento durante o programa das probas, para detectar os síntomas causados por calquera organismo nocivo,</li> <li>– Mediante probas, cos métodos adecuados, para ser presentadas ao Comité previsto no artigo 18: Para todo o material de pataca, detección como mínimo de: <ul style="list-style-type: none"> <li>◦ <i>Andean potato latent virus</i></li> <li>◦ <i>Arracacha virus B, oca strain</i></li> <li>◦ <i>Potato black ringspot virus</i></li> <li>◦ <i>Potato spindle tuber viroid</i></li> <li>◦ <i>Potato virus T</i></li> <li>◦ <i>Andean potato mottle virus</i></li> <li>◦ Virus da pataca A, M, S, V, X e Y (incluídos Yo, Yn e Yc) e <i>Potato leaf roll virus</i></li> <li>◦ <i>Clavibacter michiganensis</i> ssp. <i>sepedonicus</i> (Spieckermann e Kotthoff) Davis <i>et al.</i></li> <li>◦ <i>Ralstonia solanacearum</i> (Smith) Yabuuchi <i>et al.</i></li> </ul> </li> <li>• Para as sementes de <i>Solanum tuberosum</i> L., agás as especificadas no punto 18.3.1, detección como mínimo dos virus e viroides antes enumerados.</li> </ul> <p>dd) Mediante as probas axeitadas de calquera outro síntoma observado no exame visual, co obxecto de identificar os organismos nocivos causantes de tales síntomas.</p> <p>c) Todo material que non resultase exento dos organismos nocivos que se especifican na letra b), segundo as probas mencionadas na devandita letra, será inmediatamente destruído ou sometido a procedementos que eliminen os citados organismos.</p> <p>d) Cada organización ou centro de investigación que posúa o dito material informará o servizo oficial de protección vexetal do Estado membro sobre o material de que dispoña.»</p>
--	--

Dous. Tras o punto 18.3 insírese o punto 18.3.1 seguinte:

«18.3.1 Sementes de <i>Solanum tuberosum</i> L. distintas das que se especifican no punto 18.4.	<p>Declaración oficial de que as sementes proceden de plantas que cumpren, segundo proceda, os requisitos establecidos nos puntos 18.1, 18.1.1, 18.2 e 18.3;</p> <p>e</p> <p>a) as sementes son orixinarias de zonas de que se sabe que están exentas de <i>Synchytrium endobioticum</i> (Schilbersky) Percival, <i>Clavibacter michiganensis</i> ssp. <i>sepedonicus</i> (Spieckermann e Kotthoff) Davis <i>et al.</i>, <i>Ralstonia solanacearum</i> (Smith) Yabuuchi <i>et al.</i> e <i>Potato spindle tuber viroid</i>;</p> <p>ou</p> <p>b) as sementes cumpren todas as exixencias seguintes:</p> <p>i) producíronse nun lugar onde, desde o principio do último ciclo de vexetación, non se observaron síntomas de enfermidades causadas polos organismos nocivos mencionados na letra a);</p> <p>ii) producíronse nun lugar onde se adoptaron todas as medidas seguintes:</p> <ol style="list-style-type: none"> <li>1) separación do lugar doutras plantas solanáceas e outras plantas hospedadoras de <i>Potato spindle tuber viroid</i>,</li> <li>2) prevención do contacto co persoal e con obxectos, como ferramentas, maquinaria, vehículos, buques e material de embalaxe, procedentes doutros lugares de produción de plantas solanáceas e outras plantas hospedadoras de <i>Potato spindle tuber viroid</i>, ou medidas de hixiene axeitadas relativas ao persoal ou a obxectos procedentes doutros lugares de produción de plantas solanáceas e outras plantas hospedadoras de <i>Potato spindle tuber viroid</i>, co fin de evitar infeccións,</li> <li>3) utilización unicamente de auga exenta dos organismos nocivos mencionados no presente punto.»</li> </ol>
---	--

**Disposición derradeira primeira.** *Incorporación de dereito da Unión Europea.*

Mediante a presente orde incorpórase ao noso ordenamento xurídico a Directiva de execución (UE) 2017/1920 da Comisión, do 19 de outubro de 2017, pola que se modifica o anexo IV da Directiva 2000/29/CE do Consello no que respecta ao desprazamento de sementes de *Solanum tuberosum* L. orixinarias da Unión.

**Disposición derradeira segunda.** *Entrada en vigor.*

Esta orde entrará en vigor o 31 de marzo de 2018.

Madrid, 26 de marzo de 2018.—A ministra de Agricultura e Pesca, Alimentación e Medio Ambiente, Isabel García Tejerina.